



# **CFLI/FCIL**

Canada Fund for Local Initiatives  
Fonds canadien d'initiatives locales

Sažetak projekta:

## **Unapređenje učešća žena i rodno osjetljivih politika u javnim nabavkama na lokalnom nivou u Bosni i Hercegovini**





# CFLI/FCIL

Canada Fund for Local Initiatives  
Fonds canadien d'initiatives locales

## Problem

Preduzetništvo žena ima važnu ulogu u funkcionisanju privrede, a kad su u pitanju javne nabavke, preduzeća u vlasništvu žena se često suočavaju sa značajnim izazovima i nedovoljnom zastupljenošću. Javne nabavke predstavljaju značajnu ekonomsku priliku koja bi u velikoj mjeri mogla osnažiti preduzetnice i preduzeća u vlasništvu žena, ako im se pristupi na pravičan način. Iskustva mnogih zemalja pokazuju da javne nabavke mogu pomoći u smanjenju rodnog jaza pružajući ženama više mogućnosti da se uključe u poslovanje sa predstavnicima vlasti. Međutim, kompanije u vlasništvu žena čine mali dio dobavljača koje su ugovorile lokalne samouprave.

## Cilj projekta

Projekat ima za cilj unapređenje ženskog preduzetništva u Bosni i Hercegovini kroz povećanje učešća žena preduzetnica u procesima javnih nabavki. U saradnji sa ženskim poslovnim udruženjima, Eda će organizovati obuke i mentorstvo kako bi osnažila žene preduzetnice i omogućila im ravnopravniji pristup poslovnim prilikama u javnom sektoru. Takođe, biće razvijene smjernice za rodno osjetljive javne nabavke i sprovedena kampanja zagovaranja kako bi se ove smjernice integrisale u politike lokalnih zajednica.

Projekat predstavlja inovativni pristup unapređenju konkurencije u javnim nabavkama, kroz povećanje učešća žena preduzetnica u ovom procesu. Kroz implementaciju rodno osjetljivih politika i veće uključivanje žena u nabavke, projekat ima potencijal da utiče na smanjenje korupcije u javnim nabavkama.

## Ključne aktivnosti:

- **Organizacija obuka i mentorstva** za najmanje 50 žena preduzetnica kako bi stekle znanja i vještine neophodne za učešće u procesima javnih nabavki.
- **Priprema i distribucija smjernica** za rodno osjetljive javne nabavke (gender responsive public procurement), usmjerenih ka lokalnim vlastima i donosiocima odluka.
- **Sprovođenje kampanje zagovaranja**, koja će uključivati promociju smjernica i podizanje svijesti o značaju rodno osjetljivih javnih nabavki putem medija, društvenih mreža i organizacije okruglog stola.
- **Izdavanje studije** o rodno osjetljivim javnim nabavkama, koja će biti predstavljena ključnim akterima u oblasti javnih nabavki.

## Trajanje projekta

Projekat traje šest mjeseci i realizuje se u periodu septembar 2024 – februar 2025.

## Izvor finansiranja

Ambasade Kanade za Bosnu i Hercegovinu, Mađarsku i Sloveniju, kroz Fond za lokalne inicijative Kanade (Canada Fund for Local Initiatives – CFLI).